



Broj: JN-1/18.7.3-16.4-2-5/19
Datum: 18.02.2019. godine

Na osnovu člana 61. Zakona o Upravi ("Službeni glasnik BiH", broj 32/02 i 102/09), člana 22. stav 1. Zakona o službi za poslove sa strancima ("Službeni glasnik BiH", broj 54/05 i 36/08) i članova: 54. stav (1); 64. stav (1) tačka b) i 70. Zakona o javnim nabavkama Bosne i Hercegovine („Službeni glasnik BiH“, broj 39/14), direktor Službe d o n o s i:

ODLUKU
o poništenju otvorenog postupka

Član 1.

Poništava se otvoreni postupak javne nabavke isporuke i ugradnje sistema videonadzora u Imigracionom centru Službe.

Član 2.

Otvoreni postupak javne nabavke isporuke i ugradnje sistema videonadzora u Imigracionom centru Službe poništava se zbog do najsitnijih detalja opisanog predmeta nabavke u tehničkoj specifikaciji.

Član 3.

Ova Odluka stupa na snagu danom donošenja.

Obrazloženje

Služba za poslove sa strancima pokrenula je postupak javne nabavke isporuke i ugradnje sistema videonadzora u Imigracionom centru Službe Odlukom o provođenju procedura broj: JN-1/18.7.3-16.4-2/19.

Tenderska dokumentacija i obavještenje o nabavci broj: 1420-1-1-6-3/19 objavljeno je na Portalu javnih nabavki dana 22.01.2019. godine i objavljen je sažetak obavještenja u „Službenom glasniku“ BiH broj: 8 od 08.02.2019. godine.

Tenderskom dokumentacijom za nabavku isporuke i ugradnje sistema videonadzora u Imigracionom centru Službe broj: JN-1/18.7.3-16.4-2-1/19 u Prilogu Aneksa br. 3 (Obrazac za cijenu ponude) definisane su tehničke karakteristike istog.

Jedan od potencijalnih ponuđača u otvorenom postupku javne nabavke postavio je pitanje i tražio pojašnjenje TD na koje je Služba odgovorila na Portalu javnih nabavki.

Postavljenim pitanjem potencijalni ponuđač navodi da je uočio da su Prilogu tehničke specifikacije po svim tačkama date detaljne specifikacije određenog proizvođača koje isključivo i samo isključivo taj proizvođač može obezbjediti čime je izvršeno direktno favorizovanje jednog proizvođača opreme čije su tehničke karakteristike detaljno opisane do najsitnijih detalja.

Nakon datog odgovora, ponovnom detaljnom analizom tenderske dokumentacije, a posebno tehničke specifikacije javne nabavke isporuke i ugradnje sistema videonadzora u Imigracionom centru, Ugovorni organ je došao do zaključka da tehnička specifikacija

onemogućava svim ponuđačima jednak i nediskriminirajući pristup nadmetanju što je u suprotnosti sa članom 54. stav (1) Zakona o javnim nabavkama („Službeni glasnik BiH“ broj: 39/14) odnosno tehnička specifikacija usko je definisala predmet nabavke.

Nakon datog pojašnjenja Ugovornog organa na Portalu javnih nabavki isti potencijalni ponuđač naveo je da je Ugovorni organ potpuno kontradiktorno odgovorio na prvo postavljeno pitanje.

Ugovorni organ je ponovnom detaljnom analizom utvrdio da je u prvom dijelu svog odgovora na postavljeno pitanje naveo da je tehnička specifikacija pisana po principu kompatibilnosti i unificiranja sa postojećom opremom čime je doveo u zabludu potencijalne ponuđače jer novonabavljena oprema ne mora biti kompatibilna i unificirana sa postojećom opremom jer se ne radi o proširenju sistema videonadzora nego o nabavci i ugradnji sistema videonadzora.

Ugovorni organ će objaviti novu javnu nabavku gdje će biti omogućen jednak i nediskriminirajući pristup svim ponuđačima.

Uzimajući u obzir navedeno, odlučeno je kao u dispozitivu ove Odluke.

Pouka o pravnom lijeku

Žalba se izjavljuje Službi za poslove sa strancima u pisanoj formi u tri primjerka neposredno, elektronskim putem ili preporučenom poštom u zakonskom roku.

Dostaviti:

- ponuđačima
- Sektor za administraciju
- a/a



DIREKTOR
Slobodan Ujčić